

白華十稿甲編

919.5
Su 689a



209953

弁言

余既閱文稿于敗簾中。哀彙散佚之餘。席得二百篇。蓋自天保壬寅。至慶應丙寅。廿五螢雪之餘業也。如其壘而不散佚。亦是吹劍之一映耳。而况零篇殘楮乎。頃者又撿詩稿。亦又散佚。而年次不可記。蓋起天保丁酉。訖嘉永戊寅之際。得二百五十首。謄錄就緒。其辛亥己後。亦有數百首。而片紙散渙。未及整頓。但安政丙辰丁巳之際。北游乘中。古今詩二百餘首。雜文數篇。淨

寫成卷。別在簾底。今不復攬于此稿焉。夫文之與詩。文近實。詩驚虛。似稍有軒輊。然概皆迂于時務。而闕于事情。要之非真儒濟世之偉業也。但後生初學讀書。未解訓詁。無辨方嚮。則姑從事于斯。以為游息藏修之舟楫羽翼者。似亦未必可廢也。故今私自舉三十年間殘咳剩唾之腐業。將以示一二蒙葦。發其意趣。且俾知余半生履歷之辛酸云。遂並存錄。藏諸家塾。

明治紀元戊辰冬日 白華子自識

白華詩稿甲編卷一

針間 菅野潔聖與存錄

古今雜體

咏竹為某氏囑

萬玉成屏碧一叢。炎塵不復撲簾櫳。無聲詩與有聲畫。併在清風明月中。

靖節采菊圖

漉酒巾乾映夕陽。黃金滿地富秋光。此腰久不入間。折折向東籬。掇晚香。

經正彈琵琶圖

秋入四絃聲正調，琵琶湖上月明饒。知君西海浮家日，風露滿身懷此宵。

浴後涉園

葛衫輕利步從容，月影動牆風在松。解事園奴翻敗事，樹根埽石剝苔封。

咏父米仙人為某氏囑

王喬遺訣浪相傳，且試扶桑麗景天。鶴背揚州夢猶在，悔無學得地行仙。

春山如笑 課題

孱顏一抹帶香霞，巖齒澗唇渾是花。卻笑詩家好吟料，不如半面綠陰遮。

宮人入道圖

早卸鬟雲到上方，袈裟尚帶御爐香。春風鶴駕來修福，莫引鳴鑾入梵廊。

溪院春雨

一溪紅濕處，檐雨失昏晨。坐愛潺湲韻，琴心細

送春

扇面秋景

石立知溪瘦、林開又有林、斜陽排雁字、字字寫秋痕。

題庾樓雅譙圖

席上拈韻

文酒南樓興轉豪、山河一望月天高、漫言風景依然在、不識荒雞中夜號。

題扇面畫菊為某囑

一朵秋花折秀黃、清風遠帶義熙香、憐他未寄在籬下、久傲郊叢幽處霜。

獨坐口占

絕不言時萬感生、秋櫺半夜月孤明、好留紅友消斯際、澆下胸中磊塊城。

題畫

石泉清可飲、紅樹夕陽遲、歸去秋晴晚、滿山渾是詩。

文房十謎

時事寓感、取裁待猜者耳。

藏鋒要極巧、揮畫亦隨宜、只此雕蟲技、屠龍自有時。

貞質元端雅外方內便圓始知彭澤老同姓有
因緣

由來清白質長代殺青勞誰料兔園俗漫貪聲
價高

竒才卻玄默文德有馨香非得虛中友磨龍敢
發光

素魄千年壽來隨翰墨仙應含廣寒露吐吐化
雲煙

居然峰壑勢龍友好來眠終日玄潭上聚散幾

雲煙

休道一泓小日新成靜娛玄雲時鬱勃方是洗
龍鬚

非護滿郎病研南聊保障看來徒長物亦自貴
文房

何必裁長短自憐鎮壓才風吹葉楮亂兀兀守
書帷

馱此群賢聖卓然見四蹄漢明真大惑白馬帶
菩提

題齋壁

為官何幸免驅牽，一榻清幽一味禪。
紅瘦綠肥春已夢，茶聲簾影晝如年。
身閒自熟華胥路，心淡方知兜率天。
今是昨非併忘了，不勞陶令賦歸田。

荷錢

亂撒圓圓小，正宜阿堵名。
買涼無價貴，拋水一銖輕。
質鑄萍形惡，疎文雨點明。
苦心知有本，子母便繁生。

咏茄子

茄子一名紫彭亨，杜寶拾遺錄，隋煬帝改茄曰崑崙瓜。又王隱君養

生主論治瘰癧方用茄子，諱名草鼈甲。

帶露彭亨紫滿疇，儒厨一夏富佳羞。
懸非嘗苦越王膽，大敢厭媼齊后瘡。
誰向崑崙乞仙種，卻將鼈甲付鑿流。
清饒可擬吳興守，不用青門桑古邱。

林亭偶題

林際一亭無熱蒸，雨肥萬綠壓檐椽。
境恬宜造睡三昧，愁盡始知詩上乘。
滿地青苔唯自足，看

白華詩集 甲續卷一
久白眼我何曾佳名欲向門楣扁銷夏村中有
鬢僧

暑日即題

纖塵不到度閒生暑氣無煩境自清午夢醒來
槐影轉半簾斜日坐蟬聲

盆蓮

蓮嬌貯得碧盆池夕榭迎涼浴玉肌一枕輕風
半簾月想他香屨響廊時

買木犀

一枝金粟買秋風滿院奇香道氣通何事吟蒐
清不寐恍然身墮廣寒宮

舟夜聞鐘

響枕風鐘隔亂椿霜天月落似楓江古來多少
愁人夢都被斯聲斷續撞

夜讀兵書

手把兵鈐發大秋滿山夜雨滴秋扉萬人併學
一人敵腰際十年磨有輝

開爐小集

新寒十月刈開爐，踐約盍簪爲一娛。
落葉分聲入清鼎，頭簪試味抵空壺。
百年同嘆溝中水，此際且忘轅下駒。
觥政茗譚渾取適，敢容茶伯勸時趨。

夢登富嶽

笑嶽其高高入九霄，翩然駕風在其頂。
六十六州脚下朝，曾聞雲霧没下界。
颯然惟聞靈颯，誰料山神殊遇我。
此時俯瞰辨麼么，世波漲處群鯽集。
轍沔涸裏赧尾饒，春風桃李紅塵底。
劫

火一滅似野燒，蕩然自失付一嘆。
欲借鷲背搏扶搖，倏聞空中語神聲。
如雲韶第去，勿久駐。再夾隨松喬，我即揮策一下身。
在空遽然夢與豪氣消，嗚乎百年心事與誰語。
松濤乍駭駿溟潮。

夜坐偶得

世情未抵薄如紗，時向人間費齒牙。
鷺送鷗迎非志願，書耘筆耨愧生涯。
雪方有意硯先凍，財本無緣燈尚花。
坐對寒牕嫌夜永，閒愁續續逐更加。

歲晚偶成

遠懷桑梓嘆商參，况復崢嶸歲月侵。
何術鑿治箇迂病，無文說破我愁心。
一窗梅影天然畫，半屋竹風人籟音。
獨擁寒衾不成睡，更鐘數盡夜方深。

美人風箏

鳳吟鸞舞傍雲帷，正訝碧公腸斷時。
春靄有情籠半面，夕陽留影上雙眉。
裁來秀骨纖纖竹，惹得嬌愁脈脈絲。
擬學步虛嫁仙窟，良媒只合付

封姨

春雪

積未成堆碎作塵，暗回寒陣且橫陳。
陽檐融早幾疑雨，短被擁深纔識春。
將語鶯猶無氣力，半飄梅復得精神。
散遊輒誤明朝約，且結孫窗一夜親。

即題

風牀蠶臥倦，愈加架上殘書任亂斜。
多謝天公知我懶，一犁晚雨灌庭花。

新燕

試語呢喃聲未繁，學成舞態去翩翩。
碧釵插柳柳生媚，黃口銜泥泥始暄。
一巷淡烟前夜雨，數家疎箔夕陽村。
興亡到底成春夢，莫向雕梁認壘痕。

有感二首

飽觀宦海萬重濤，寸地硯田唯自勞。
堪羨林泉閑富貴，清音不借鬱輪袍。
消夏何灣借小檐，靜娛又欠鄴家籤。
華胥一路

尋難得，亂聒蟬聲助午炎。

秋霖

連宵暗雨冷簾裾，枕外蟲聲幽咽初。
秋夢不同春夢重，飽聽點滴臥精廬。

秋柳

秋籟先搓柳幾行，臨流無復舊青青。
殘絲衰鬢斜陽外，春夢一場人亦醒。

豐公捧屨圖

猴面罵哈從乃公，盱盱捧屨太空侗。
誰知一隻

寒龜手大地山河墮此中

燈蛾 限韻

一缸挑盡夜涼初，群翅撲明妨讀書。隨逐隨來求豈饜，自投自沒計尤疎。孤軍入敵真良喻，契容趨炎更匹如。齷齪奔忙休笑汝，風燈世裏幾詩蛆。
詩蛆見王卅
蕉墻東襍鈔

雁字

滿目風煙詩料多，雁賓寫出字橫斜。鋒鋒卓筆宜洲荻，幅幅連牋幾浦霞。儘訝商鐘擗周鼎，誰

評春蚓且秋蛇，卻懷一種戲鴻帖。使我時為賞鑒家。

食菌

紫菌濃腴落葉初，不論剛吐且柔茹。釘釘出籠泥猶帶，戢戢上盤香有餘。筍穉異時同臭味，芋魁筭品孰乘除。寒厨偏喜儒餐美，豐饌何期丙穴魚。

自笑

祿代躬耕亦宦籠，寧如天地占壺中。文章愧隨

雕蟲技、身世猶輸失馬翁、凍意連雲先喜雪、寒
邪在體最憎風、是癡是拙兼多病、畢竟時人誰
與同、

甲辰元旦書感

四回迎歲在天涯、到手屠蘇漸欲遲、梅吐新香
皆舊答、水流寒韻亦春漪、委溝斷木雕蟲愧、釘
座名黎畫餅知、算去慮來今日感、嗟吾竟守甲
辰雌、

鷲出谷 做詩帖

凍雲消舊谷、喬木見遷鷲、震帝恩偏渥、花風信
共迎、玉簧新吻奏、金縷軟衣成、頻試擲核態、可
憐求友聲、喧喧宜夢覺、恰恰是春晴、自鼓詩腸
快、休啟俗耳驚、卜遊柑已具、添興酒堪傾、嫩柳
陰三畝、疎梅水一泓、蜂媒催綺思、蝶使惹芳情、
坐想邇郊趣、勿沽公子名、汝今閤富貴、吾亦樂
生平、如到繁華節、爛歌塵滿城、

三月朔遊墨垞似同游賴子春

花堆暖雪壓春灣、人在長堤罨畫間、回首五年

成一夢京醪此日醉嵐山

紫醉紅吟踏軟塵看花兼看看花人想他渡月
橋邊客孰似長堤十里春

蜿蜒石歌

石耶欲飛騰龍耶收鱗鬣鱗鬣雖則收摩搓莫
須惜其文老黃其質玄玄黃之象為坤乾坤乾
二象皆龍德母乃幻成石一拳弃之者誰氏浪
華好文之紀子何處獲此秀靈物獲之京東鴨
水溪鴨水惟是一斗升潑潑纔能養魚婢此物

何由文晦潛卻向人間來弭耳虺其肆矣欲噓
雲慎勿放之浩蕩萬頃水君不聞延曆某吉辰
九閣始遷春猛獸伏深藪毒豸從窮濱渠獨在
其際神變化貞砥又不聞仁長之間早成虐大
地生靈欲焦鑠鴨東神廟現威靈驅使兩師救
民瘼當時渠復奮然興張鱗振鬣供其役於戲
地平天成幾百秋五風十雨樂徵休此物今無
所復用徒供珍玩付韻流誰料韻流屠龍手能
使蜿蜒紙上走滿窗風雨硯池傍蜿蜒蜿蜒相

和成雌雄吼

二州橋卽目

臥虹橋影界波綾，臨水樓樓始上燈。
一角仍留殘照在塔尖，三寸指金陵。
人影衣香欺白日，樓燈閣燭照黃昏。
橋陰柔櫓何處去，隔水嬌雲鎖月痕。

暑夕卽况

迅雷收響睡將成，雲影過窗涼月明。
忽地風來疑復雨，槐梢滴滴有餘聲。

百鬼夜行圖引

林雲慘澹老梟鳴，山月模糊殺氣橫。
忽然陰風卷地生，中有醜醜啾啾聲。
百鬼取次摩空行，逐隊成群競異形。
赤髮被體亂鬚鬚，渥丹涂面朗金睛。
牛首人身不可名，虎皮羊質若爲情。
人啼之豕人言狴，夏赭周黿孽豈輕。
或爲冶媚或醜獍，千姿萬態紛相爭。
何物游魂乘暗冥，馮依不翅野狐精。
君不聞冥界羅刹城，閻王役鬼持權衡。
又不聞物未判幽明，地有邪魅天攬槍。
對圖

緬想感轉生，四座為我氣不平。嗚乎塵世鬼亦盈，心猿意馬互相傾。麒麟飾擅鈞，虛名俱面嚇。人引簪纓終南鍾，神如有靈併取此輩盡供牲。

雪佛

現出金仙變舊容，天花凝結最玲瓏。六根清淨無塵點，三昧光明本色空。月借絮滾林樹影，松傳梵唄澗庭風。知他性自屬陰鬼，只恐太陽來爍融。

哭稻垣木公

歲星猶未_一在龍蛇，鬼簿早傳冥府衙。必_一抵豹皮真可重，壽俸_一標社亦何誇。訟庭一碧劉庭草，詩筆同香李筆花。斗酒隻雞無處醉，夕陽望斷研山霞。

題齋藤子德遊相稿後

子德此行舟距浦賀經鎌倉遊江島

歸途觀梅于杉田

小遊亦足抒靈情，海嶽推君巧品評。左賦三都非勁敵，柳文八記讓長城。雲煙繞筆英雄躡，波浪盪胸鼙鼓聲。最想梅村幽處月，美人林下笑

相迎

三月三日將遊墨水有事不果

牛祠梅冢萬芳新自恨牽連負艷辰
花蹇霞光留落照柳能線樣挽徂春
遊裙影亂溶溶水冶騎蹄迷軟軟塵
識得東皇偏弄柄渾將紅事付
閩人

晚涼洗馬

調馬晚放埒牽來斷橋東深柳淺沙處
兩三聚圍僮解鞵卸鞍徐撫鬣馬意快
活勢健捷兩餘

新漲水深清玉蹄蹴波波綾疊淨刷乳汗梳雲
鬣瓊瓏洗出胡鐵驄嘶嘶報喜仰秋昊修尾毳
毳搖清風誰家伏捩受恩久惠養能似支公否
聞昔周穆時八駿皆神奇又聞唐宗厩十驥
羶髮鬚更聞冀北千里野騰驤磊落產萬馬伯樂
拔群甲天下此馬雖未必在其儔骨相知亦不
凡流但是華陽放歸後寂寞不異桃林牛
犢嗟九方臯已逝矣孰是驚駘孰駮耳奴隸徒惜食
粟多其才何得究千里偶浴溪岸來乘涼與馬

相憐且彷徨，落陽斜射驤龍影。影躍秋潭十丈長，潭底游鱗駭失行。一聲長嘶將翅撲，豆去風漪獵獵蒼煙又已暮。

十二月十八日遊墨水梅莊。是日立春也。輕風爲啓一籬門，認得梅香嫩處村。疎影半泓水先煖，滿園斜日已春痕。擬結暗香疎影綠，好林園處好晴天。對花一笑真佳遇，同著春風第一鞭。

梅花燈籠

天工剪取巧心存，爛漫寒光照上元。有影非緣水清淺，無香能賽月黃昏。依稀欵枕羅浮夢，懊惱猜春蛺蝶魂。卻惟孤高隱君子也，因此熱著明痕。

近郊春景

平蕪軟霧訪煙霞，到底先尋有酒家。一路春風無好主，等閒吹老野棠花。

春陰

牢陰經日損春光，鶯燕斯間不著忙。城樹碑煙

催靈白簷花沒影易昏黃天能與我分愁意酒
未教人老醉鄉笈劍一蕪知己少名都勝槩夢
茫茫

春晚偶感

吟遊無處著嚶嚶坐臥沈縣對晚城深草綠塘
春夢色一簾紅雨落花聲解愁難得庖丁手琢
句寧求趙璧名五歲青衿關左跡空將蕉鹿付
多情

鴻臺懷古

草樹欲霜風怒號居然想見舊兵韜螳蟬至竟
同黃土相嶺房洋秋氣高

揚德祖讀碑圖

杖鞭莞爾對陳碑猜得黃絹幼婦辭有智漫稱
三十里阿瞞方寸不能知

乙巳中秋同諸生泛舟鹿浦

美月清遊投我閒鼓舷呼快盡醅顏漁燈沈處
星浮浪露葦顫時潮進灣一段風煙舊家水滿
船歌酒顧江關斯歡亦自宜斯夕未必閉籠放

白鷗

木屋蒸

蒸陰恰似落梅前。秋暑昨纔收。熱煎一搭山雲，
釀微雨。數行堞樹，串凝煙。且迎黃燭度斯際。將
遣青奴，猶假權。正是木屋開滿院。又為卯色養
花天。

秋柳

肅殺霜風刻意吹。江頭摧盡一枝枝。空將詞曲
收情致。無復行人，綰別離。半岸晴烟籠冷色。孤

村斜日助愁姿。舞腰黛翠渾陳夢。惟有月痕來
畫眉。

秋聲

吟燈一穗坐深宵。何物奇聲破寂寥。瑟瑟非歌
寧在哭。淙淙訝近又疑遙。憶曾蘇客秋愁枕。不
似相溟聽怒潮。起啓前窗羣籟息。霜林如水月
明饒。

小春遊書寫山寺僧乞詩醉餘賦似

飄蕩來遊古梵宮。雨花臺畔夕陽春。踈狂不厭

醜顏酷萬樹霜楓亦醉容

歲晚書懷

幼課煩入數卷經空嘆歲月似流星
哭風病木傳餘感驚雪修篁入靜聽
勢地元多顏上甲疎才却作眼中釘
堪將尚友求前古獨向寒燈剔寸青

寄津田子園

聞說都門復舊塵每懷名境使懷人
關心最是江隄月恨著梅花早領春

丙午中秋草堂小集鬪韻得麻時雨氣冥濛

簷樹空濛霧雨遮盍簪此夕剔燈花
醉情吾尚無牙蠟燕韻誰言畫足蛇
興發何關月陰霖書成自愛字橫斜
庾樓佳景袁舟趣收盡詩娛酒笑家

既望雨晴月色殊佳因疊前礎此夕宿直于鬻舍

桂魄更無纖翳遮妍輝寧比賞殘花
風凝露氣

生霜意池湧金瀾掣玉蛇
活水清茶當露綠
儂詩險礎苦褰斜
孤吟坐斷三更晝
娛興今宵有幾家

再疊前礎酬學員某賡韵

街塵聊以亂篁遮
數故亭園擬浣花
剪燭殘棋爭失鹿
擘牋醉墨見驚蛇
半檐月影雲吞吐
五夜賓歡坐整斜
未必可期來歲會
敢教韵趣付他家

又疊

夕霧秋園容易遮
酣酣一任眼中花
山莊舊夢聚邱貉
官地流年驚壑蛇
雲稍解圍方淡淡
月纔吐氣已斜斜
倘無盟社陰晴變
永占良宵是我家

秋夕偶感三首

半夜吟窗坐暗愁
聚庭蟲語正啾啾
元龍傲骨樓宜臥
士蔚狂顛憤未投
天上幾時空有月
人間何處不無秋
爾來一覺黃梁夢
夢落蘆花淺水舟

清露暗蟲秋便宜，半宵吟罷坐如癡。冷燈守影
今何意，孤劍踰關彼一時。幾箇文章渾畫虎，百
年身世愧泥龜。哄然恐發空中笑，月滿涼軒照
所思。

暗悶無眠坐夜呻，早聞城鼓響晨闌。雁聲偏挾
秋聲至，燈火獨將心火親。千首文章蛇畫足，百
年事業象焚身。州邦厄歲傳災異，莫以癡憂笑
杞人。

漠河舟中

月落星殘欲曉光，奇寒蓬背負微霜。河聲片碎
曹騰夢，乍在江湖乍在鄉。

石山寺

醉踞危巖當我牀，這般秀景茂簫湘。名寰恨被
緇徒占，廢閣空傳彤管香。帆影波光歸隻掌，尺
橋寸樹逗斜陽。佳辰未必期秋月，春霽湖山古
道場。

雨過鈴廬額

油衫箬笠雨濛濛，鷺語有無紅濕間。憶昨嚴程

東役日郵輜載夢過斯山

安濃津訪齋藤拙堂

闊別堪慚刮自迎芒屨布鞵且留行一場文話
君家訣半日酒歡音客情澤雉遊樊有神主官
蛙得地亦私鳴依稀回首江關夢仍簷又推牛
耳盟

南勢途上

津城南去遠巒開襟面春風一路埃汗雨袂惟
謳噪客渾無非拜

兩祠來

拜

神廟恭賦五言律一章

皇極陶鈞始

降臨海一圻千秋依

鎮護萬姓仰

靈威美樾皆

神籟春空自瑞輝東方君子國誰不仰

宸暉

雨中登笠置山

憶昔

六龍天步艱滄桑未變翠微間無端又滴松梢
雨雙淚和成衣上斑

南都

川巒繚繞古皇京勝蹟到頭先問名巨刹豐祠
春欲遍廢陵皆井雨初晴花臨水發無今昔鹿
豕人馴有性情三笠山顛舊時月客窗又借一
宵明

途上口占

春色平蕪綠踏來多古蹤低頭淚何急仰首即
金峰

黃災歌

丁未之春三月月退而節進信濃之州地大震
豈是二氣鬱結而然耶不於他州獨於信一夕
羣山冢峯崩蛟龍移窟谷為陵城擗頽毀况寺
觀原田荒淤幾萬塍就中最痛酷東顛西倒壓
人畜幸脫者傷而奔爺悲孃號兄弟哭或聞震

處遑遑地。若開陰火。迸發揚劫灰。或聞大壑迅
流。忽闕障。汎濫汪漾。成湖蕩。信之諸山。淺嶽實
其望。吾曾拭目。經其陽。峰頂煙穗。衝天起。山石
氣蘊。老硫黃。黃氣曾發。天明紀。震動蕩沒。數百
里。父老今猶梗。概傳聞者。毛髮皆豎起。嗚乎。造
化者何心。逞災屢毒。此蒼黔地。竅暗有通。黃脰
近嶽之地。毒每深。黃乎黃乎。汝本中正之德。今
日胡然。張毒脰。維時清明。比軒黃。誰料見此黃。
揚兀。君不聞太西地方。有火山。山在地中海之

灣。其地遠隔西紅海。久矣黃氣延其間。

艷事十咏

炷香

綺窗停繡日將曛。一瓣爐香添火焚。寶鴨斜銜
釵影睡。沈檀暗染鬢。雲分煙絲彷彿。同心結。灰
篆渾成回錦文。脈脈柔情誰會取。歷籠羅袖却
慵薰。

題詩

彤管麝煤看入神。碧牋半展尚含顰。鸞飄鳳泊

白華詩集 甲編卷一

愁難破、綉口檀心字自新、欲寄海棠花底夢、偏
傷柳絮水邊春、憑誰會取多情句、獨有西廂月
下人、

對鏡

自愛明丰對鏡長、誰知紅粉行顏光、雙蛾淡掃
真欺鏡、淺靨生嬌、寧擬嬌、巫雨如煙半峰暮、黎
花映水一枝香、西宮賜宴頻宣喚、此際偷閒且
理粧、

彈箏

離鸞別鶴怨偏清、曲曲何禁脈脈情、憐爾柔荑
難抑按、看來玉筍暗縱橫、月明金雁參差影、風
冷朱絃演漾聲、新譜隔屏誰聽取、夢魂不復到
秦城、

圍棋

研光瑩局映顏新、秀色才情自有神、黃手輕挑
多秘著、綺思細費轉嬌顰、一雙驤影簾垂午、三
兩奩聲雨送春、莫是甘泉玉妃子、凝觀恐作爛
柯人、

白華詩集 甲編卷一 五

調馬

半兜雕鎧裏，榴裙叱撥騎。嘶隔陌聞，垂柳絲纏。
 玉鞭影落花香，襯綉鞍紋柔腰一轉，輕於燕盤。
 鬢千梳亂作雲，鐵樣心腸挑樣面。想他娘子李
 家軍。

習舞

雲鶴鏡鸞歌扇紅，踮蹙試技繡簾中。衫翻絳雪
 態向脆，眼轉秋波情不窮。蝶翅帶香，露曉露柳
 條無力困東風。但要躡節迴翔熟，麗質天生誰

又同

掃花

悲粉悲紅掃未好，恐驚池上睡鴛鴦。鮮枝麝馥
 輕輕散，滿地球塵瑟瑟颺。蝶夢全醒香屣響，蜂
 魂更惱寶鈿光。收來箕帚門闌却，淡月微風待
 阿郎。

讀書

髻几緗縑倚綉樓，芸香細動一簾幽。坐深眉柳
 蹙如重，人靜眼波凝不流。關妹才情花綉煥，文

姬神采竹清修寧諧碧串紅牙妙蘭吻低低誦
拍舟

學書

吳繡輕渲靡煤濡意匠矯柔學靜娛蘭婉石貞
從慣手勻紅暈綠謝時需傳神敢倩毛郎筆寄
恨自憐崔艷圖秀麗天機堪到妙真成添得繡
工夫

